



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXXXVIII. ad annum MCCCCXL.

Parisiis, 1644

Solutiones inconuenientium, quae a Graecis opponuntur Latinis & ceteris
recte sentientibus. Capvt VIII.

urn:nbn:de:hbz:466:1-15490

potissimæ , & absque aliqua contradictione remanent, quibus ex eo quod Spiritus dicatur spiritus Filii, etiam ex Filio eum procedere probant. Per hanc enim falsam expositionem aliqui eas euertere conantur propter consubstantialitatem, putantes dici spiritum Filii. Hanc autem sententiam Gregorius Nyssenus ut falsam manifeste reprobat, accipiens illud tamquam distinctiuum. Sed cum ad ostendendam quidem huius conclusionis veritatem, Spiritumque sanctum ex Patre & Filio procedere probandum, multa argumenta, multæ auctoritates, multæ rationes sint, satis tamen ex prædictis tibi puto fecisse.

*Solutiones inconuenientium, quæ a Græcis opponuntur Latinis
& ceteris reſte ſentientibus.*

C A P V T VIII.

CVM vero quædam inconuenientia nobis, qui veritatem confitemur, ab illis inferuntur, qui nec quid dicant sciunt, nec de quibus afferunt; illa quidem, quæ contra argumenta probantia veritatem opponuntur, in ipsis met argumentis breuiter soluimus, vt vidisti. Eorum vero, quæ contra ipsammet conclusionem inferuntur, eligens potiora & quæ magis verisimilia videntur, solutiones pro posse paucis & sufficienter hic inseram, vt tibi oratio ista quam fieri potest completa sit, & ad omnia sufficiens. Quamquam hæc inconuenientia non contra nos inferuntur, nec nos tenemur reddere rationem: sed contra sanctos doctores, qui nobis huius dogmatis, huiusque conclusionis principes & auctores fuerunt: & non solum contra occidentales, qui apertissime hanc docent conclusio- nem, sed non minus contra orientales. Ab ipsis igitur etiam solutiones querendæ sunt, non a nobis: quod & fecerunt, Spiritu sancto præudentes omnes insurrecturas hæreses. Attamen nos etiam ab illis illuminati, & ab aliis viris beatis, qui amplissima de hac re opera sua nobis reliquerunt, ad ea nosmetipſos opponemus. Putant igitur Patrem & Filium aut in unam confundi personam, si quis ex utroque procedere Spiritum sanctum dicat; aut duas causas, duoque principia necesse esse ponere: utrumque vero horum absurdissimum est. Nos vero ad confusionem quidem personarum hæc dicimus: quod si operationem spi-

Concil. Tom. 33.

N n n

randi constitutiuam personæ paternæ poneremus , tunc sequeretur hoc inconueniens , & Filius esset vna eademque persona cum Patre . Cum vero constitutiuam quidem paternalis personæ proprietas , paternitas , & ipsum generare probatum fuerit , spirare vero proprietas quædam sequens eius personam iam constitutam ; cur ille , cui communis est cum Patre non constitutiuam proprietas , vna eademque persona cum ipso esset ? Quemadmodum enim commune habens Filius cum Patre , quod Spiritus dicitur Spiritus eius , prout Patris ; item quod ab eo mittatur prout a Patre ; tamen non est eadem persona cum Patre , eo quod non est constitutiuum , nec quod Spiritus dicitur Spiritus Patris , nec quod a Patre mittatur . Ita et si communem habeat cum Patre spirandi potentiam , non ideo in eamdem cum eo confunditur personam , cum spirare non sit paternalis personæ constitutiuum . Quare donec non probetur spirandi potentiam paternalis personæ constitutiuam esse , nec confusio personarum inde probari poterit . Sed spirandi potentiam constitutiuam esse , probari non potest : cum quia sequeretur quod Pater haberet duas personas & duas hypostases , vt in principio probatum est ; hoc autem inconueniens est : tum quia hæc petitio principii esset . Ponere namque potentiam spirandi constitutiuam esse personæ Patris , & ex Patre solo Spiritum procedere , vnum & idem est . Quare qui hoc dicit , petit principium . Cum autem hoc non probetur , nec confusio personarum sequitur , quamquam sint qui credant . Dictum est autem in superioribus quænam eorum quæ de Deo dicuntur , communia sunt , quæ propria ; & priorum quænam duabus personis propria , quæ vero vni soli : eorum quæ vni soli , quænam ita propria sunt , vt & personalia , siue hypostatica sunt : quæ vero ita propria vt notiones , non vt hypostatica : quale ipsum quoque spirare dictum est esse . Igitur ex iis quæ nunc dicta sunt , & ex iis quæ in superioribus presupposita fuerunt , huius inconuenientis solutio patet . Nec habet quisquam amplius accusare Latinos , quod confusionem introducant personarum . De duabus vero causis , siue duobus principiis , quæ in theologia Latinos introducere quidam autem , hocque inconueniens magis eos sequi quam umbram

corpora putant, quid dicemus? Nempe hoc in primis dicendum est, quod ipsa sola auctoritas sanctorum sufficiat fidelibus, necesse est; qui vtrumque dixerunt, & quod Spiritus a Patre procedit & Filio, & quod tamquam ab uno principio. Non enim duo principia Spiritus sunt Pater & Filius, inquit Augustinus, sed unum eius ambo principium sunt; quemadmodum creaturae non tria principia, sed unum sunt Pater & Filius & Spiritus sanctus, ipsa Trinitas Deus. Quam igitur aliquis hac apertiorem querat solutionem, quam Spiritus sanctus per huius sanctissimi patris os & doctoris locutus est? Non enim lateat nos, quod idem inconueniens, multorum videlicet principiorum, & multorum deorum in productione etiam creaturae sequeretur, si quis non pie consideraret, quod a fide Christiana est alienum, & conueniens gentilibus. Hoc enim est de quo maxime nos gentiles accusamus, quod multos videlicet introducant deos, multosque creatores. Cum igitur nos etiam tres diuinæ personas creaturae causam & principium credamus, nos etiam hoc inconueniens sequeretur, & multa videremur ponere principia, multaque diuinitates, si quis non recte intelligat. Sed audi quomodo sancti doctores sapientissime hoc soluunt. Nam et si Patrem & Filium & Spiritum sanctum creaturae causam esse credamus; quoniam tamen ad Patrem omnia referuntur, & quia ab eo habent & Filius & Spiritus sanctus & ipsum esse & creandi potentiam. Si enim Pater non esset, Filius & Spiritus sanctus nec creandi potentiam haberent, nec omnino essent.

Item quoniam una & eadem numero potentia erat cum Patre Filius & Spiritus sanctus, ex una & eadem numero & communi diuinitate, siue diuina essentia prodeunte; ideo merito unus Deus & unus creator sunt. Hoc idem igitur de processione Spiritus ex Patre & Filio sufficiens sit illis, qui de hoc querunt. Quoniam etenim una & eadem spirandi potentia ex una & eadem essentia prodeunte Pater & Filius Spiritum sanctum spirant: & quoniam a Patre hanc spirandi potentiam Filius habet, ideo unus spirator, una causa & unum principium processionis Spiritus ambo sunt. Haec igitur, ut dictum est, sufficerent non contendentibus propter doctorum au-

Concil. Tom. 33.

Nnnn ij

ctoritates : idem tamen ratione quoque probatur. Cum enim duo sint, ad quæ omne productum refertur, forma videlicet , secundum quam producitur, & suppositum aut persona ex qua: si Pater & Filius quemadmodum duo sunt secundum personas, ita & forma , secundum quam producunt, duo essent, tunc necessario duo essent principia Spiritus: cum vero et si personis duos eos esse fateamur, forma tamen qua producunt , cum vnum numero sint, & omnino indistincti (est enim ipsa diuina essentia vna & eadem numero communis ambobus , secundum quam ambo Spiritum producunt) non est necesse, imo impossibile est duo principia dicere. Est etenim vna numero essentialis actiua spiratio, quæ cum eis propria sit, non potest esse communis Spiritui sancto , eo quod, vt saepius dictum est , opponitur eius proprietati. Omnia enim essentialia communia Filio & Spiritui sancto cum Patre sunt ; saluis tamen eorum proprietatibus. Omnia enim est Filius quæcumque & Pater, Basilius & ceteri doctores aiunt, manens in eo quod est Filius, videlicet in eius proprietate. Quamquam etenim æqualis & similis sit Patri, generare tamen seipsum non potest, cum sit eius proprietati oppugnans. Eodem modo Spiritus quoque et si omnia communia habet cum Patre & Filio, seruet tamen suam proprietatem necesse est ; quia spirare seipsum non potest, cum hoc oppugnet eius proprietati. Ex his igitur clarissime patet falso Latinos accusari, quod duo ponant in divinitate principia. Item aut perfecta est , aiunt , ex Patre processio, & superfluit illa quæ ex Filio est : aut si hæc necessaria est , imperfecte ex Patre procedit. Hoc vero inconueniens est, imperfectam operationem dicere Patris, & ad suam perfectionem Filio indigere. Ad quæ respondemus, illos qui hæc dicunt, ideo errare , quia omnino duos esse putant Patrem & Filium, & eorum operatio-nes, humanis exemplis inhærentes: quia vident duorum hominum duas esse operationes numero , et si ad vnum effectum tendant, & distinctas ab inuicem, putant idem contingere etiam in Deo : quod absurdissimum est. Namque Pater & Filius personis solummodo distincti , in ceteris vnum & idem sunt: quo fit, vt etiam spirandi po-tentiam vnam & eamdem numero habeant, & simul, non

seorsum : nec hic prius, alter posterius; nec hic alia , alter alia spiratione spiret Spiritum, vt ii qui corporales in omnibus sunt , putant ; sed simul & absque tempore vna eademque numero spiratione perfecte ambo & supra omnem perfectionem eum spirent. Necesse enim est, eadem rationes ad eos dici, quoties audientes non intelligunt. Aut quid isti dicent, si quis eos econtra interroget, si perfectam credunt mundi ex Patre creationem, an non ? Si enim perfectam , quare Filium quoque & Spiritum creatores nominant ? Si vero imperfectam , & ideo Filium & Spiritum Patri associant, considerent quid dicant. At perfecta quidem ex Patre mundi creatio, vna vero eademque numero Filii & Spiritus operatio ad eius creationem est, & non alia Patris, alia horum : tunc enim haberent locum haec puerilia dubia. Ita igitur & in proposito perfecta quidem & super omnem perfectionem est Spiritus ex Patre processio : eadem vero & vna numero ex Filio quoque eiusdem Spiritus spiratio est, non alia & alia , nec aliter & aliter, nec prior & posterior, sed simul & eadem , & similiter, cum vna & eadem numero spirandi potentia Spiritum ambo spirent. Et nullus rursus blasphemiae hanc rationem accuset, audiens nos ex creatura arguentes : & ideo putet Latinos Spiritum sanctum inter creaturem ponere. Fuerunt etenim & sunt, qui in hanc etiam prout uiam & insaniam deuenerunt, vt hoc quoque Latinis imputare auderent. Haec enim aut stultorum , aut iocari voluntium sunt; aut illorum qui ignorant sanctos patres & doctores saepius a creatura & sensibilibus exemplis manuducentes nos ad credendum res intellectuales & inuisibiles atque diuinas , ab eis qua & exile vestigium diuinæ similitudinis habent, illa probantes pro posse. Trinitatem etenim personarum orientales quidem intellectu, verbo & spiritu ; item oculo, fonte & fluvio ; rursus * soli, radio & luci : occidentales vero aliis similibus ostendere conantur. Quamvis vnumquodque eorum exemplorum, et si ratione tria sint, vna tamen hypostasis , siue substantia realiter est. Patres tamen non putarunt propterea propositam veritatem offendere, sed quantum intentioni eorum conueniebat, ex iis exemplis accipientes, reliquum tamquam alienum a veritate repellebant. Et nemo eos nec accusauit,

Nnnn iij

nec accusabit, donec mentis compos est, quod talibus vñ
fuerint exemplis. Quomodo igitur Latinos recte quis ac-
cusabit, si ad ostendendum vnam eamdemque numero ef-
se spiratiuam in Patre & Filio potentiam, vtantur exem-
plo ab omnibus concessso, vna eademque numero a Tri-
nitate entium creatione? aut quomodo propterea calum-
niari eos aliquis audebit, quod Spiritum sanctum cum
creaturis connumerent? præsertim cum nullus eorum
qui nunc viuunt Latini, nec qui post diuisionem & infau-
stum infelixque illud schisma fuerunt, hoc primo dixerit;
sed illi prisci sancti, illi antiqui doctores, illa luminaria ma-
gna, quorum sonus in omnem terram exiuit, & verba in
fines orbis terræ, qui que a nobis & nostris ut præcipui
doctores & sanctimerito celebrantur, hæc exempla & in-
uenerint & dixerint. Augustinus etenim, qui profunditate
scientiæ omnes antecellit, sanctitate & feroce cari-
tatis in Deum nulli cedit: Augustinus est, inquam, qui hæc
eisdem verbis dicit, Patrem & Filium scilicet vnum prin-
cipium esse Spiritus sancti, quemadmodum Patrem &
Filiū & Spiritum sanctum vnum principium creature
credendum est. Accusent ii qui facile cuncta audent, &
beatum Athanasium, qui in dialogo orthodoxi cum Aria-
no dissimilem Filium Patri, & Spiritum Filio & Patri po-
nente, ita dicit: Dei natura tum Filii & Spiritus sancti cau-
sa est, tum omnis creatura: & simili audacia aut Filium
& Spiritum cum creatura ponant, aut creaturam cum
Filio & Spiritu sancto ut Deum colant, cum eamdem eo-
rum causam esse, Dei videlicet naturam, sanctus doctor
docuerit. Sed hæc impudentium & ignorantium homi-
num sunt. Et cum inconuenientia, quæ quidam contra
veram nostram conclusionem suis rationibus inferre so-
lent, hæc potissimum sint, & ad hæc si qua alia sunt, refe-
rantur: patet, quod illis, Deo fauente, sufficienter solu-
tis, cetera & simul corruunt, & quæ ad hæc dicta sunt, ad
omnia etiam illa sufficiunt.